



Broj: 01-05-30-2729-5/24
Tuzla, 23.05.2024. godine

Na osnovu člana 123. stav (7) Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“ broj 44/98, 42/99, 12/09 i 42/11), te člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05 i 103/21), direktor Kazneno-popravnog zavoda poluotvorenog tipa Tuzla, o b j a v l j u j e

JAVNI OGLAS

za prijem u radni odnos zatvorskog policajca-stražara u Kazneno popravnom zavodu poluotvorenog tipa u Tuzli

I

U skladu sa odlukom direktora Kazneno popravnog zavoda poluotvorenog tipa u Tuzli, broj: 01-05-30-2729-4/24 od 23.05.2024.godine, za popunu upražnjenog radnog mjesta zatvorskog policajca-stražara, Kazneno popravni zavod poluotvorenog tipa u Tuzli objavljuje javni oglas:

➤ **Sektor za poslove osiguranja:**

Pozicija: 01. Zatvorski policajac-stražar-pripravnik (muškog spola).....3 izvršioca

Opis poslova:

Vrši poslove osiguranja u skladu sa uputstvom o radu za svako stražarsko mjesto utvrđene članom 134. Zakona o izvršenju krivičnih sankcija u Federaciji Bosne i Hercegovine ("Službene novine Federacije BiH" 44/98, 42/99, 12/09 i 42/11)) i članom 4. Pravilnika o načinu vršenja službe osiguranja, naoružanju i opremi, upotrebi vatrenog oružja, službenoj legitimaciji i obliku uniforme zatvorske policije, Pravilnikom o unutrašnjoj organizaciji, naređenjima direktora i druge poslove po nalogu neposrednog rukovodioca.

II

Opći i posebni uslovi za vršenje poslova: Pored općih uslova predviđenih članom 24. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05 i 103/21), kandidati treba da ispunjavaju i sljedeće posebne uvjete i to: SSS-IV stepen stručne spreme, gimnazija, ekonomska ili neka druga srednja škola društvenog ili tehničkog smjera; kandidat ne smije biti stariji od 25 godina na dan zaključenja oglasa (oglas se smatra zaključenim istekom zadnjeg dana roka za podnošenje prijave na ovaj oglas). Kandidati za ovu poziciju prolaze provjeru zdravstvenih i psihofizičkih sposobnosti, morfoloških karakteristika, fizičkih sposobnosti i intervju na način određen tačkom IV i VI ovog oglasa.

III

U svrhu dokaza o ispunjavanju općih uslova utvrđenih u članu 24. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05 i 103/21), kandidat je uz prijavu na Javni oglas za popunu upražnjenog radnog mjesta

namještenika u Kazneno-popravnim zavodu poluotvorenog tipa u Tuzli (u daljem tekstu: Javni oglas) dostavljenu na obrascu koji je prilog ovog javnog oglasa (prijavni obrazac), dužan dostaviti sljedeću dokumentaciju (original ili ovjerenu kopiju ne stariju od tri mjeseca):

- (1) **Izvod iz matične knjige rođenih;**
- (2) **Uvjerenje o državljanstvu** (ne starije od šest mjeseci od dana isteka roka za prijavu na javni oglas);
- (3) **Dokaz o završenoj stručnoj spremi** (diploma o završenom srednjem obrazovanju ili svjedočanstvo o završenom obrazovanju iz kojih se vidi da je sa uspjehom završio obrazovanje i stekao potrebno zvanje u skladu sa uslovima iz javnog oglasa);
Napomena: Neće se uzeti u razmatranje prijave kandidata koji kao dokaz o traženom obrazovanju dostave svjedočanstvo o završenom I, II, III i IV razredu srednje škole, a uz navedena svjedočanstva ne dostave diplomu ili uvjerenje o završenom obrazovanju ili svjedočanstvo o završenom obrazovanju;
- (4) **Izjava kandidata da nije obuhvaćen odredbom člana IX-1 Ustava Bosne i Hercegovine;**
- (5) **Izjava kandidata da u posljednje dvije godine od dana objavljivanja Javnog oglasa nije otpušten iz ograna državne službe kao rezultat disciplinske kazne na bilo kojem nivou vlasti u Federaciji Bosne i Hercegovine** (ovjerena kod nadležnog organa koji vrši ovjeru potpisa, nakon objave Javnog oglasa).

IV

Provjera zdravstvene i psihofizičke sposobnosti i ostale obaveze za kandidate: Svi kandidati koji su blagovremeno dostavili formalno ispravne prijave zajedno sa svim formalno ispravnim dokazima koji se traže tačkom III ovog javnog oglasa, dužni su pristupiti provjeri zdravstvenih i psihofizičkih sposobnosti.

Provođenje provjere zdravstvene i psihofizičke sposobnosti kandidata, intervjuja, provjere morfoloških karakteristika, te testa i ocjene fizičke sposobnosti kandidata, vrši se u svemu na način propisan Pravilnikom o načinu utvrđivanja zdravstvene i psihofizičke sposobnosti, uvjetima i načinu polaganja stručnog ispita pripadnika službe osiguranja i stručnog odgajateljskog ispita u federalnim zavodima za izvršenje kazne zatvora ("Službene novine Federacije BiH", br. 102/22 i 15/2024).

V

Izabrani kandidat će prije donošenja odluke o zasnivanju radnog odnosa biti obavezan dostaviti uvjerenje da ima opću zdravstvenu sposobnost za obavljanje poslova radnog mjesta izdato od nadležne zdravstvene ustanove i proći provjeru zdravstvene i psihofizičke sposobnosti u skladu sa članom 129. Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“, broj: 44/98, 42/99, 12/09 i 42/11) u nadležnoj zdravstvenoj ustanovi u koju će ga uputiti Kazneno-popravni zavod poluotvorenog tipa u Tuzli. U slučaju da izabrani kandidat ne ispuni naprijed navedene uslove, bit će odabran drugi kandidat sa Liste uspješnih kandidata.

Izabrani kandidat dužan je dostaviti uvjerenje da se protiv njega ne vodi krivični postupak (ne starije od 3 mjeseca).

Zatvorski policajac-stražar, pripravnik prima se u radni odnos na period od 6 (šest) mjeseci, nakon čega je dužan pristupiti polaganju stručnog ispita za zvanje zatvorskog policajca-stražara.

Zatvorski policajac-stražar, pripravnik, koji položi stručni ispit za zvanje zatvorskog policajca-stražara rasporedit će se na poslove i zadatke zatvorskog policajca-stražara na neodređeno vrijeme.

Zatvorskom policajacu-stražaru, pripravniku, koji ne položi stručni ispit za zvanje zatvorskog policajca-stražara prestaje radni odnos, nakon čega će biti odabran drugi kandidat sa Liste uspješnih kandidata.

Lista uspješnih kandidata čuva se do konačnosti rješenja o raspoređivanju zatvorskog policajca-stražara na neodređeno vrijeme.

VI

Sa kandidatima koji ispunjavaju sve uslove iz ovog javnog oglasa, formirana komisija za sprovođenje javnog oglasa obaviti će intervju.

Cilj intervjuja iz prethodnog stava jeste provjera da li kandidat raspolaže osnovnim znanjima o organizaciji i radu Kazneno-popravnog zavoda poluotvorenog tipa u Tuzli, te općim znanjima i vještinama koji su potrebni za obavljanje poslova na radnom mjestu za koje se kandidat prijavio. Za kandidata koji u zakazano vrijeme ne pristupi na intervju će se smatrati da je odustao od prijave na javni oglas.

Nakon završenih intervjuja, a na osnovu biografije kandidata i pokazanog znanja na intervjuu će se donijeti odluka o prijemu namještenika u radni odnos u Kazneno-popravnom zavodu poluotvorenog tipa u Tuzli.

VII

Javni oglas ostaje otvoren 15 (petnaest) dana od dana objavljivanja u dnevnim listovima „Dnevni avaz“, „Oslobođenje“ i „Dnevni list“.

Prijavni obrazac može se preuzeti na službenoj internet stranici Kazneno-popravnog zavoda poluotvorenog tipa u Tuzli: <https://kpztuzla.gov.ba/> ili pisarnici Kazneno-popravnog zavoda poluotvorenog tipa u Tuzli, ul. Mirze Delibašića broj 1, 75000 Tuzla.

Prijava kandidata koja se ne dostavi na propisanom obrascu koji je prilog ovog javnog oglasa i koja ne bude potpisana biće odbačena kao neuredna.

Prijava kandidata koji na prijavnom obrascu ne potpiše Izjavu o davanju saglasnosti za obradu ličnih i posebnih podataka u postupku javnog oglasa će biti odbačena kao nepotpuna i neuredna.

VIII

Uredno popunjen i potpisan prijavni obrazac sa potrebnim dokazima (dokumentacijom) o ispunjavanju uslova koji se traže javnim oglasom treba dostaviti u roku od 15 (petnaest) dana od dana objavljivanja Javnog oglasa u dnevnim listovima „Dnevni avaz“, „Oslobođenje“ i „Dnevni list“ isključivo putem pošte, preporučeno na adresu:

**KAZNENO-POPRAVNI ZAVOD
POLUOTVORENOG TIPA U TUZLI
Ul. Mirze Delibašića br. 1
75000 TUZLA**

sa naznakom

**„Javni oglas za popunu radnog mjesta namještenika –
Zatvorski policajac-stražar pripravnik (muškog spola) – NE OTVARATI.“**

Nepotpisane, nepotpune, neuredne i neblagovremene prijave neće se uzeti u razmatranje.

Obradivač-pomoćnik direktora

M.A.



DIREKTOR

Adem Mahovkić
Adem Mahovkić